

OPĆINA TRNOVO

Općinsko vijeće

Na osnovu člana 60. stav 3. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10, 111/12 i 20/17) i člana 24 i 117. Statuta općine Trnovo ("Službene novine Kantona Sarajevo", broj 12/08), Općinsko vijeće Trnovo, uz pribavljeno mišljenje sindikata, na 18. sjednici održanoj 31.05.2019. godine, donijelo je

ODLUKU

O UTVRĐIVANJU PLATNIH RAZREDA I
KOEFIČIJENATA ZA PLAĆE, NAKNADE I DODATKE
NA PLAĆU U OPĆINI TRNOVO

I. ZAJEDNIČKE ODREDBE

Član 1.

Ovom odlukom, u skladu sa Zakonom o plaćama i naknadama u organima vlasti u Federaciji Bosne i Hercegovine ("Službene novine Federacije BiH", br. 45/10, 111/12 i 20/17) (u daljem tekstu: Zakon) utvrđuju se platni razredi i koeficijenti za plaće nosilaca izvršnih funkcija, općinskog pravobranioca, savjetnika, državnih službenika i namještenika u organu državne službe Općine Trnovo (u daljem tekstu: Općina), dodaci na plaće, naknade plaća i nadležnost za donošenje Pravilnika o plaćama, naknadama i drugim materijalnim pravima uposlenika.

Član 2.

Pojmovi korišteni u ovoj odluci imaju slijedeća značenja:

- 1) "Organ državne službe", u smislu ove Odluke, predstavljaju službe za upravu, stručne službe Općine i Pravobranilaštvo,
- 2) "Radno mjesto" je pozicija utvrđena aktom o unutrašnjoj organizaciji organa državne službe na koju se postavlja državni službenik i namještenik za vršenje poslova utvrđenih za to radno mjesto,
- 3) "Platni razred" predstavlja razvrstavanje radnih mjesta utvrđenih u aktu o unutrašnjoj organizaciji organa državne službe u određene pozicije radi određivanja iznosa osnovne plaće državnog službenika i namještenika,
- 4) "Koeficijent" predstavlja brojčanu vrijednost koja se iskazuje arapskim brojevima za svaku poziciju radnog mjesta koje su razvrstane u platne razrede organa državne službe i služi za utvrđivanje visine osnovne plaće.
- 5) "Osnovica za obračun plaće" predstavlja novčani iznos u konvertibilnim markama (u daljnjem tekstu: KM), koji se koristi za određivanje osnovne plaće.

Član 3.

Pri određivanju iznosa plaća i naknade za zaposlene u Općini Trnovo, poštivat će se načela utvrđena Zakonom.

Finansijska sredstva za plaće i naknade i druga primanja, općinskog načelnika, općinskog pravobranioca, savjetnika, državnih službenika i namještenika Općine predviđena ovom odlukom planiraju se i osiguravaju u Budžetu Općine Trnovo (u daljem tekstu: Budžet).

Član 4.

U Općini se primjenjuje osnovica za obračun plaće na način utvrđen članom 5. Zakona. Općinski načelnik u dogovoru sa sindikatom će utvrditi osnovicu za obračun plaća u skladu sa Zakonom.

Ne može se utvrditi veća osnovica od osnovice utvrđene na federalnom nivou.

Član 5.

Osnovna plaća utvrđuje se množenjem osnovice za plaću iz člana 4. ove Odluke sa utvrđenim koeficijentom platnog razreda i tako utvrđeni iznos uvećava se za 0,5% za svaku započetu godinu penzijskog staža a najviše do 20%.

Osnovna plaća ne može biti manja od 70% prosječne neto plaće isplaćene u Federaciji Bosne i Hercegovine, prema posljednjem statističkom podatku.

U slučaju da množenjem utvrđene osnovice i pripadajućeg koeficijenta osnovna plaća iznosi manje od 70% prosječne plaće, zaposleniku će se isplatiti plaća u navedenom postotku.

Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

Ukoliko zaposlenik radi sa nepunim radnim vremenom, u skladu sa posebnim zakonom ili drugim propisima, osnovna plaća odredit će se srazmjerno vremenu provedenom na radu.

Puno radno vrijeme zaposlenih je 40 sati sedmično.

II. PLATNI RAZREDI

Član 6.

1. Nosioци izvršnih funkcija, Općinski pravobranilac i savjetnik

Platni razred	Radno mjesto	Koeficijent
I	- Općinski načelnik	9,80
II	- Općinski pravobranilac	7,00
III	- Savjetnik	6,40

Član 7.

Nosioци izvršnih funkcija, općinski pravobranilac i savjetnik imaju pravo na naknade u skladu sa zakonom.

Nosioци izvršnih funkcija i općinski pravobranilac i savjetnik ostvaruju pravo na plaću i naknade danom stupanja na dužnost.

O pravima nosilaca izvršnih funkcija, općinskog pravobranioca i savjetnika iz stava 1. ovog člana odlučuje Komisija za izbore i imenovanja Općinskog vijeća Trnovo.

Član 8.

2. Državni službenici

Državni službenici u Općini Trnovo razvrstavaju se u 8 (osam) platnih razreda i za svaki platni razred utvrđuju se koeficijenti za plaću u sljedećim vrijednostima:

Platni razred	Radno mjesto	Koeficijent
I	- Sekretar Općinskog vijeća - sekretar Jedinственog Općinskog organa uprave - rukovodilac Stručne službe Općinskog vijeća i Općinskog načelnika	6,50
II	- pomoćnik rukovodioca organa državne službe	5,70
III	- interni revizor	5,20
IV	- šef unutrašnje organizacione jedinice	4,50
V	- inspektor	4,30
VI	- stručni savjetnik	4,10
VII	- viši stručni saradnik	3,90
VIII	- stručni saradnik	3,70

Član 9.

3. Namještenici

Namještenici u Općini Trnovo razvrstavaju se u 7 (sedam) platnih razreda i za svaki platni razred utvrđuju se koeficijenti za plaću u sljedećim vrijednostima:

Platni razred	Radno mjesto	Koeficijent
I	- Šef unutrašnje organizacione jedinice (VŠS)	3,20
II	- Viši samostalni referent	3,10
III	- Samostalni referent	3,00
IV	- Šef unutrašnje organizacione jedinice (SSS)	2,80
V	- Viši referent	2,70
VI	- Referent - KV radnik	2,60
VII	- Pomoćni radnik - NK radnik	1,85

Član 10.

4. Plaće za pripravnike i naknade za volontere

Plaće pripravnika visoke, više i srednje stručne spreme u organu državne službe utvrđuju se u iznosu, i to:

- za visoku školsku spremu u iznosu od 80% od početne osnovne plaće utvrđene za radno mjesto stručnog saradnika.
- za višu školsku spremu u iznosu od 80% od početne osnovne plaće utvrđene za radno mjesto samostalnog referenta.
- za srednju stručnu spremu u iznosu od 80% od početne osnovne plaće utvrđene za radno mjesto referenta.

Član 11.

Volonteri visoke, više i srednje stručne spreme u organu državne službe imaju pravo na naknadu, i to:

- za visoku školsku spremu u iznosu od 35% od početne osnovne plaće utvrđene za radno mjesto stručnog saradnika.
- za višu školsku spremu u iznosu od 35% od početne osnovne plaće utvrđene za radno mjesto samostalnog referenta.
- za srednju stručnu spremu u iznosu od 35% od početne osnovne plaće utvrđene za radno mjesto referenta.

III. NAKNADE

Član 12.

Naknada za prekovremeni rad, rad u neradne dane, noćni rad i rad u dane državnih praznika Službeniku i namješteniku za vrijeme provedeno na radu, osnovna plaća uvećat će se za:

- noćni rad (rad od 22.00 do 6.00 sati) - najmanje 25% neto satnice;
- prekovremeni rad - najmanje 25% neto satnice;
- rad u dane sedmičnog odmora - najmanje 15% neto satnice;
- rad u dane praznika, koji su po zakonu državni praznici - najmanje 40% neto satnice.

Član 13.

Naknada za ishranu tokom rada (topli obrok)

Državnom službeniku i namješteniku pripada naknada za ishranu u toku rada (topli obrok), u neto iznosu od 1% prosječne neto plaće isplaćene u Federaciji prema posljednjem zadnjem statističkom podatku.

Član 14.

Regres za godišnji odmor

Državnom službeniku i namješteniku pripada naknadu na ime korištenja godišnjeg odmora (regres) u visini od 50%

prosječne neto plaće isplaćene u Federaciji po zadnjem objavljenom statističkom podatku.

Pravo na regres iz stava 1. ovog člana ima svaki državni službenik i namještenik koji u toku tekuće godine ima pravo na godišnji odmor.

Član 15.

Naknada za bolovanje

Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni mjesec.

Naknada plaće preko 42 dana iz stava 1. ovog člana ostvaruje se po kantonalnom propisu kojim se uređuje naknada za ovo bolovanje, stim da razliku do pune plaće uplaćuje općina Trnovo.

Član 16.

Naknada za porodijski dopust

Državni službenik i namještenik za vrijeme porodijskog odsustva ima pravo na naknadu plaće prema kantonalnom propisu kojim se uređuje ova oblast, prema mjestu uplate doprinosa, stim da razliku do visine plaće uplaćuje općina Trnovo.

Član 17.

Naknada za službeno putovanje

Državnom službeniku i namješteniku pripada naknada za službeni put (troškovi prijevoza, troškovi prenoćišta i troškovi upotrebe privatnih automobila u službene svrhe) po cijeni prevozne karte i hotelskih računa za hotel do četiri zvjezdice i dnevni troškovi u obliku dnevnice za službeno putovanje na način i u visini utvrđenim posebnim propisima.

Državnom službeniku i namješteniku koji za potrebe službenog putovanja koristi putnički automobil u ličnom vlasništvu, pripada naknada u visini 15% cijene litre benzina BMB 95 na teritoriju Bosne i Hercegovine, po prijednom kilometru na odobroj relaciji, prema odobrenom putnom nalogu.

Isplata naknade iz stava (2) ovog člana predstavlja naknadu troškova za gorivo i amortizacije automobila i ista ne isključuje troškove nastale po osnovu plaćene cestarine, putarine, mostarine, naknade za korištenje tunela, parkinga i drugih troškova nastalih u vezi sa prevozom na službenom putovanju.

Član 18.

Naknada za prijevoz na posao i sa posla

Državnom službeniku i namješteniku kome nije organizovan službeni prijevoz na posao i sa posla, a čije je mjesto stanovanja od mjesta rada udaljeno najmanje 2. kilometra, pripada naknada za troškove prijevoza u visini mjesečne karte gradskog, prigradskog i međugradskog saobraćaja.

U međugradski saobraćaj spadaju mjesta koja su udaljena od mjesta rada do 70 kilometara.

Član 19.

Naknada za slučaj povrede na radu, teške bolesti i invalidnosti

U slučaju povrede na radu, teške bolesti i invalidnosti državnog službenika i namještenika, ili člana njegove uže porodice, isplaćuje se jednokratna novčana pomoć u visini od 2 (dvije) prosječne neto plaće isplaćene u Federaciji prema zadnjem objavljenom statističkom podatku.

Državnom službeniku, odnosno namješteniku može se, u skladu sa raspoloživim sredstvima isplatiti dio ili ukupni troškovi liječenja teške invalidnosti ili teške bolesti u zdravstvenoj ustanovi u kojoj je on platio troškove toga liječenja. Troškovi liječenja isplaćuju se na osnovu fakture ili računa zdravstvenih ustanova u kojima je liječenje obavljeno.

Pod teškom bolešću iz st. (1) i (2) ovog člana, podrazumijevaju se sljedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sustava, infarkt (srčani i moždani), oboljenje mišićnog

sustava, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede.

Pravo na jednokratnu novčanu pomoć iz stava (1) ovog člana, na osnovu teške invalidnosti ostvaruje se za utvrđeni stepen invalidnosti od najmanje 60%."

Član 20.

Naknada za slučaj smrti i pravo na osiguranje od posljedica nesretnog slučaja

U slučaju smrti državnog službenika ili namještenika, ili člana njegove uže porodice isplaćuju se troškovi sahrane u visini od dvije do četiri prosječne mjesečne plaće isplaćene u Federaciji prema zadnjem objavljenom statističkom podatku.

Ukoliko u istom organu uprave rade dva ili više članova porodice, pravo na troškove iz prethodnog stava, ostvaruje jedan član.

Članom uže porodice državnog službenika ili namještenika u smislu stava 1. ovog člana i člana 19. ove odluke, smatraju se: braćni i vanbraćni drug ako žive u zajedničkom domaćinstvu; dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina, odnosno, do 26 godina starosti ako se nalazi na redovnom školovanju i nisu u radnom odnosu, a djeca nesposobna za rad, bez obzira na starosnu dob); roditelji (otac, majka, očuh, maćeha i usvojitelji); braća i sestre bez roditelja do 18 godina, odnosno, do 26 godina starosti ako se nalaze na redovnom školovanju i nemaju drugih prihoda, već ih korisnik naknade stvarno izdržava, ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uslovom da s njima žive u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom.

Ukoliko u organu državne službe istog nivoa vlasti rade dva ili više članova porodice, troškovi sahrane iz stava 1. ovog člana se isplaćuju samo jednom zaposlenom članu porodice.

Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u organima državne službe.

Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.

Ugovor o osiguranju sa odgovarajućom osiguravajućom kućom zaključuje rukovodilac organa uprave za sve državne službenike i namještenike zaposlene u tom organu u skladu sa Kolektivnim ugovorom.

Član 21.

Otpremnina

Državnik službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plaća isplaćenih u prethodnih pet mjeseci.

Član 22.

Naknada za slučaj prekobrojnosti

U slučaju prestanka radnog odnosa državnog službenika, odnosno namještenika zbog prekobrojnosti, taj državni službenik, odnosno namještenik ima pravo na naknadu u iznosu i to:

- 1) za radni staž do 10 godina naknada iznosi tri neto plaće državnog službenika, odnosno namještenika,
- 2) za radni staža od 11 do 30 godina naknada iznosi šest neto plaća državnog službenika, odnosno namještenika,
- 3) za radni staž preko 30 godina naknada iznosi deset neto plaća državnog službenika, odnosno namještenika.

Član 23.

Naknada za rad u komisijama

Članovi stručnih komisija koje imenuje Općinski načelnik, a čije osnivanje je predviđeno zakonom, imaju pravo na novčanu naknadu za svoj rad.

Visinu naknade utvrđuje Općinski načelnik posebnim aktom, s tim što ista za jedan mjesec ne može biti veća o 1,5 osnovice za obračun plaće u Općini.

Naknade za rad u komisijama iz stava 1. ovog člana a koje se finansiraju od uplata fizičkih ili pravnih osoba, ne ulaze u ograničenje iz stava 2. ovog člana.

Član 24.

Plaćeno odsustvo

Državni službenik ili namještenik ima pravo na odsustvo uz naknadu plaće (plaćeno odsustvo) od ukupno 7 (sedam) radnih dana u kalendarskoj godini u sljedećim slučajevima: stupanja u brak, rođenja djeteta, teže bolesti ili smrti člana obitelji, odnosno domaćinstva, selidbe, dobrovoljnog davanja krvi i u drugim sličnim slučajevima, što se određuje pravilnikom o radnim odnosima.

Državni službenik ili namještenik ima pravo na plaćeno odsustvo sa rada u trajanju od najmanje pet radnih dana za pripremanje i polaganje stručnog ispita ili drugog ispita koji predstavlja uslov za obavljanje poslova radnog mjesta na koje je državni službenik ili namještenik raspoređen.

Državni službenik ili namještenik, koji se upućuje na školovanje, stručno osposobljavanje ili usavršavanje, isključivo za potrebe poslodavca, ima pravo na plaćeno odsustvo u trajanju do jedne godine.

IV. DODACI NA PLAĆU

Član 25.

(Vrste dodataka na plaću)

Državni službenik i namještenik ima pravo na dodatke na plaću po osnovu posebnog ovlaštenja i posebnih uslova rada koji su utvrđeni Zakonom, Kolektivnim ugovorom za službenike organa uprave i sudske vlasti u Federaciji BiH i Pravilnikom o radnim odnosima.

Dodaci iz stava 1. ovog člana čine sastavni dio osnovne plaće.

Poseban dodatak iz stava 1. ovog člana obračunava se na osnovnu plaću bez dijela plaće po osnovu radnog staža i čini sastavni dio plaće.

V. PRELAZNE I ZAVRŠNE ODREDBE

Član 26.

Općinski načelnik će Pravilnikom o plaćama, naknadama i drugim materijalnim pravima državnih službenika i namještenika službi za upravu i posebnih stručnih službi općine Trnovo, u skladu sa zakonom, Kolektivnim ugovorom za službenike organa uprave i sudske vlasti u Federaciji BiH, i ovom Odlukom, utvrditi plaće, naknade i dodatke na plaću službenika i namještenika, kao i uslove i način ostvarivanja naknada.

Član 27.

Stupanjem na snagu ove odluke prestaje da važi Odluka o plaćama i naknadama nosilaca izvršnih funkcija, pravobranioca, savjetnika, državnih službenika i namještenika u općini Trnovo ("Službene novine Kantona Sarajevo", broj 22/12, 3/17 i 30/17) i Odluka o naknadama i dodacima na plaću državnih službenika i namještenika u Jedinstvenom općinskom organu uprave i posebnim stručnim službama općine Trnovo ("Službene novine Kantona Sarajevo", broj 7/13).

Član 28.

Ova Odluka stupa na snagu danom objave na oglasnoj ploči općine Trnovo, a naknadno će se objaviti u "Službenim novinama Kantona Sarajevo".

Broj 01-02-2656
07. juna 2019. godine

Predsjedavajuća
Općinskog vijeća Trnovo
Emina Mehmedagić, s. r.

Odluka objavljena na oglasnoj ploči Općine Trnovo dana 07.06.2019. godine.

Na osnovu člana 13. Zakona o principima lokalne samouprave ("Službene novine Federacije BiH", br. 49/06 i 51/09), člana 72. Zakona o građevinskom zemljištu Federacije Bosne i Hercegovine ("Službene novine Federacije BiH", br. 25/03 i 16/04), člana 28. Odluke o građevinskom zemljištu ("Službene novine Kantona Sarajevo", br. 11/05, 28/05, 8/12 i 34/14) i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Općine Trnovo, na 18. sjednici, održanoj dana 31.05.2019. godine, donijelo je

ODLUKU

O NAČINU PLAĆANJA NAKNADE ZA POGODNOST GRADSKOG GRAĐEVINSKOG ZEMLJIŠTA - RENTE I NAKNADE ZA UREĐENJE GRADSKOG GRAĐEVINSKOG ZEMLJIŠTA

Član 1.

Ovom Odlukom odobrava se investitoru ALIĆ Sulejmana HAJRUDINU iz Sarajeva, Mis Irbina 5 (u daljem tekstu Investitor) plaćanje naknade za pogodnost gradskog građevinskog zemljišta - rente i naknade za uređenje gradskog građevinskog zemljišta najkasnije do 15.12.2019. godine, u svrhu dobijanja odobrenja za građenje na zemljištu označenom kao k.č. 3008/76, upisano u zk. uložak broj 75 K.O. Presjenica, u ukupnom iznosu od 188.241,84 KM.

Član 2.

Investitor se obavezuje da će Općini Trnovo uplatiti cjelokupan iznos naknade za pogodnost gradskog građevinskog zemljišta - rente i naknade za uređenje gradskog građevinskog zemljišta u iznosu navedenom u članu 1. ove Odluke najkasnije do 15.12.2019. godine.

Član 3.

Za osiguranje plaćanja naknade za pogodnost gradskog građevinskog zemljišta-rente i naknade za uređenje gradskog građevinskog zemljišta u iznosu od 188.241,84 KM, Investitor je dužan dati ugovornu bezuvjetnu saglasnost za upis hipoteke na k.č. 3008/47 EZ1U1J60, poseban dio apartman broj 23 plus galerija, površine 62,67 m², upisano u ZK uložak 2514 K.O. Presjenica, čija vrijednost je utvrđena Nalazom i mišljenjem od strane stalnog sudskog vještaka arhitektonske struke Amire Selimović, sačinjenog dana 21.05.2019. godine, u iznosu od 190.328,79 KM.

Član 4.

Sva prava i obaveze u pogledu plaćanja utvrđene naknade za pogodnost gradskog građevinskog zemljišta - rente i naknade za uređenje gradskog građevinskog zemljišta za iznos iz člana 1. ove Odluke uredit će se notarski obrađenim ugovorom između Općine Trnovo i Investitora, uz prethodno pribavljeno mišljenje Pravobranioca Općine Trnovo.

Član 5.

Nakon zaključenog ugovora između Općine Trnovo i Investitora, te provedbe istog u Zemljišno knjižnom uredu Općinskog suda u Sarajevu, te u konačnici uz predodžbu zemljišnoknjižnog izvotka o upisanoj hipoteci od strane Investitora na parceli bliže opisanoj u članu 3. ove Odluke, istom će se izdati Odobrenje za građenje.

Član 6.

Investitoru bez izmirenja utvrđene naknade za pogodnost gradskog građevinskog zemljišta - rente i naknade za uređenje gradskog građevinskog zemljišta iz člana 1. ove Odluke, neće se izdati upotrebnna dozvola.

Član 7.

Ovlašćuje se općinski načelnik da zaključi ugovor sa Investitorom.

Član 8.

Ova Odluka stupa na snagu danom objave na oglasnoj tabli Općine Trnovo, a nanadno će se objaviti u "Službenim novinama Kantona Sarajevo".

Broj 01-02-2657/19
07. juna 2019. godine
Trnovo

Predsjedavajuća
Općinskog vijeća Trnovo
Emina Mehmedagić, s. r.

Odluka objavljena na oglasnoj ploči Općine Trnovo dana 07.06.2019. godine.

Na osnovu člana 25. stav (10) i člana 27. stav (1) Zakona o prostornom uređenju Kantona Sarajevo ("Službene novine Kantona Sarajevo", broj 24/17) i člana 14. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 18. sjednici održanoj dana 31.05.2019. godine, donijelo je

ODLUKU

O USVAJANJU URBANISTIČKOG PROJEKTA "BJELAŠNICA - ŠTINJI DO"

Član 1.

Usvajaju se Izmjene i dopune Urbanističkog projekta "Bjelašnica - Štinji do" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju Urbanističkog projekta "Bjelašnica - Štinji Do",
- Tekstualni dio Plana.

Grafički dio sadrži:

- a) Grafički prilozi urbanizam:
 - Izvod iz RP "Sportsko rekreac. područje Bjelašnica" 1:5000
 - Ažurna geodetska podloga 1:500
 - Inženjersko - geološka karta. 1:500
 - Postojeće stanje. 1:500
 - Namjena površina 1:500
 - Koncept prostorne organizacije. 1:500
 - Mreža građevinskih i regulacionih linija . . 1:500
 - Karta sječe šume 1:500
- b) Grafički prilozi arhitektura:
 - Situacija 1:500
 - Osnova podruma 1:200
 - Suteran 1:200
 - Prizemlje 1:200
 - Etaža -1. 1:200
 - Etaža -2. 1:200
 - Etaža -3. 1:200
 - Presjek a-a 1:200
 - Fasade 1:200
 - Fasade 1:200
 - Peta fasada 1:200
 - Prostorni prikaz 1:200
 - Prostorni prikaz 1:200
- c) Idejno rješenje saobraćaja,
- d) Idejno rješenje snabdijevanja vodom i odvodnja otpadnih i oborinskih voda
- e) Idejno rješenje toplifikacije - gasifikacije
- f) Idejno rješenje elektroenergetike i javne rasvjete
- g) Idejno rješenje TK mreže.

Član 3.

Po jedan primjerak ovjerenog elaborata nalazi se u arhivi načelnika Općine Trnovo, arhivi Općinskog vijeća Općine Trnovo i Zavodu za planiranje razvoja Kantona Sarajevo.